

PRENTSAURREKOA

BIKTIMEKIKO ELKARTASUNERAKO IX. EKITALDIA *JASO EUREN LEKUKOA* Bilbao, 2008.eko abenduaren 14a

Euskal Herriko Bakearen aldeko Koordinakundeak terrorismoaren biktimen aldeko elkartasunezko ekitaldia egingo du bederatzigarren urtez. Ekitaldi hau gaur egun gure lehentasun bihurtu dugun eginkizunaren barruan koka dezakegu: indarkeriari zilegitasuna kendu. Eta egiteko horretan biktimei elkartasuna adieraztea ezinbestekoa da, gure ustez nahitaezkoa delako biktimei publikoki aitortzea eta memoria erakustea.

Bakearen aldeko Koordinakundeak, herritarren mugimendua denez, biktimekiko herritarren sentiberatasuna sustatu nahi du. Gure gizartean, sufrimendua, samina, galera, ahuldadea... bezalako hitzek traba egiten dute; sentimenduok ezkutatu egiten dira, gelditzera eta giza alderdia zaintzearen garrantziaz jabetzera garamatzaten aparteko egoerak azaltzen zaizkigun arte.

Terrorismoaren biktimen egoera guztiz gogorra da, errealitateak, aldizka, indarkeriari aurre egitera daramatzalako berriz ere: atentatu berriak, beste eraso batzuk, pintada mehatxugileak, eta baita atxiloketak edo epaiketak bezalako berri positiboagoak ere. Honelako berriek sentimendu nahasiak dakarzkie: galerak datozkie berriro burura eta, batzuetan, burua makurrarazten dizkiete berriz ere, eragiten zaien kaltea justifikatzeko eta txalotzeko saiakerak egoten direlako.

Eta beren egoeraren aurrean, gure konpromisoak apartekoa izan behar du, biktimak, terrorismoak gu guztioi zuzendu nahi digun eraso zuzenean jasan duen eta jasaten diharduen gizartearen zatia direlako. Terrorismoak ez du gizon edo emakume jakin bat bere giza kalitateagatik aukeratu, gure elkartearen duen ordezkapenagatik edo bera kikiltzeak edo hiltzeak gizartean eragin dezakeen kalteagatik baizik. Terrorismoaren biktimekiko konpromisoak sendoa izan behar du, berriro diogu, beraiek jasan duten eraso gizarte osoaren, gu guztion eta gure bizikidetasunaren oinarri diren balio guztien aurkakoa delako.

Bekearen aldeko Koordinakundeak bere gain hartu du biktimen aurrean gizartearen sentiberatasuna sustatzeko konpromisoa, beren egoera ezagutzen, gure gizartean mehatxu terroristaren iraupenak dituen ondorio izugarriak gogoratzen eta indarkeriari zilegitasuna kentzeko eta denok bakez eta askatasunez bizitzeko aukera izango dugun gizarte anitza eraikitzeko konpromiso aktiboa berritzen laguntzen diguten ekitaldi eta jardunaldiak antolatuz.

Biktimen aitortpenaren aldeko ekitaldiak antolatuz, gainera, elkartasunezko eta konpromisozko berri positiboak sortzen ditugu beraientzat eta hauek eragin positiboa izan dezakete, beren 'biktimizazioarekin' batera etortzen diren sentimenduak berriro bizitzean, biktimek izaten dituzten prozesu ziklikoetan.

Ekitaldi hau egiten hasi ginenetik, asko gehitu dira biktimen alde egiten diren ekimenak eta horrek pozez betetzen gaitu. Biktimen aldeko gero eta elkartasunezko ekitaldi gehiago antolatzen da erakundeen, fundazioen edo biktimen kolektiboen eskutik. Garrantzitsua deritzagu gizarteak izan duen aldaketa, hasierako pasibotasunetik biktimekiko hurkotasun

COORDINADORA GESTO POR LA PAZ DE EUSKAL HERRIA
EUSKAL HERRIKO BAKEAREN ALDEKO KOORDINAKUNDEA

eta konpromisora, gure errealitatean, gure herri eta hirietako kaleetan, komunikabideetan eta gure erakundeek bultzatuta agertzeraz emateari. Aitorpena, elkartasuna eta oroipena sortzen dihardugu. Oroipen bizia, gure gizartearentzako etorkizun duinagoa ahalbideratzeko. Baina honek iraun egin behar du, jarraitu egin behar du. Kontua ez da ekitaldiak burutzea eta gure iragan konpartituaren oroipena eskainiko diguten harrizko monumentu bihurtzea. Gure geroa eraikitzeko oroipen konpartitua eratu behar dugu. Basakeriaren aurrean geure duintasunari eusten lagunduko diguten balio etiko, sozial eta politikoen oinarri bateratua sortzea da helburua.

JASO EUREN LEKUKOA

Esan dugunez, herritarrek gero eta argiago ikusten dute gure gizartean egunez egun biktima berriak, Euskal Herriko gutxiengo batzuek onartzera behartu nahi gaituzten planteamendu politiko eta ideologiko batzuk ez onartzeagatik sortzen diren biktimak egoteak zer esan nahi duen.

Biktimek, hain zuzen ere, hiltzaileen intolerantzia, amorerik ez ematea, moral bikoitza, basakeria... nabarmen uzten dituzte. Biktimak, beren testigantza, dira terrorismoari zilegitasuna kentzeko adierazgarri onena.

Aurtengo ekitaldirako aukeratu dugun goiburua interpelazioa da gutariko bakoitzarentzat: ***jaso euren lekukoa***, indarkeriaren biktimen lekukoa. Eta dei egiten diegu herritar guztiei biktimen lekukoa har dezaten, gure bizikidetasunaren oinarri diren eta ETAK suntsitu nahi dituen balioen defentsan, horixe delako beraiekin, beraiek adierazten duten guztiarekin, eta gizartearekin berarekin konprometitzeko biderik onena.

Biktima bakoitzaren lekukoa jasotzea, biziaren, gizakiaren duintasunaren, desberdina pentsatzen duenarekiko errespetuaren, gure gizartearen aniztasunaren, askatasunaren, bizikidetasun jasanbera eta demokratikoaren, demokraziaren beraren, Zuzenbidezko Estatuaren, guztion arteko berdintasunaren, azken batean, beste gizon edo emakume batzuen aurka armak edo bonbak erabiliz suntsitu nahi izan dituzten balio guzti haien defentsa da.

Honelako ekitaldietan parte hartuz 'txertoa' hartu nahi dugu, biktimak ez ahazteko, biktimekin axolagabekeriak ez jokatzeke; ardua geure gain hartu nahi dugu eta gu guztioi zuzendutako eta geure izenean justifikatutako tiro hilgarriaren aurka egin nahi dugu; eta indarkeriari zilegitasuna kentzeko ahaleginean eta gure gizartearen aniztasunak dakarkigun aberastasunaz gozatzen lagunduko diguten errespetu, tolerantzia eta askatasuna bezalako balioen defentsan konprometitzen gara.

Guzti horregatik, herritarrei dei egiten diegu Biktimen aldeko Elkartasunerako IX. Ekitaldian parte har dezaten. Abenduaren 14an, igandez, ospatuko dugu 13:00an, Bilboko 'Doña Casilda' parkean (Gregorio de la Revilla kalearen parean).

EUSKAL HERRIKO BAKEAREN ALDEKO KOORDINAKUNDEA
11 de diciembre de 2008

